

**Zeitschrift:** Igl Ischi : organ della Romania (Societat de Students Romontschs)  
**Herausgeber:** Romania (Societat de Students Romontschs)  
**Band:** 34 (1948)

**Artikel:** Il Segner ei buns : confitemini Domino, quoniam bonus. Ps. 105,1  
**Autor:** Cahannes, G.  
**DOI:** <https://doi.org/10.5169/seals-882189>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 24.05.2025

**ETH-Bibliothek Zürich, E-Periodica, <https://www.e-periodica.ch>**

## Il Segner ei buns

Confitemini Domino, quoniam bonus. Ps. 105,1

1. Il Segner ei buns! Schia pretgan trasora  
Il tschiel e la tiara cun lur ornament.  
Il Segner ei buns! Quei annunzia l' aurora,  
Annunzia a ti il suleagl serendent:  
Il Segner ei buns!
2. Utschals en curtgin beinmarvegl ein a strada,  
Ei schulan e contan e giblan tudi;  
La leda canzun giu da tschiel ei mussada,  
Il text sas metter maneivel sutvi:  
Il Segner ei buns!
3. Ils feins e las flurs sin la verda collina,  
Las spigias digl èr che ballontschan el vent,  
Tut quei che verdegia dat laud e s' enclina,  
A quel che avdescha si sul firmament:  
Il Segner ei buns!
4. Giud l' aulta muntogna en legras cascadas  
Siglioppan en prescha ils reins ed uals;  
Lur himni resuna en fermas tunadas  
E lura puspei en migeivels chorals:  
Il Segner ei buns!
5. Ei va per bual, dapertut muntaneras  
Talinca talanca per praus e per grugns;  
Engrazian da cor dellas bunas tschaveras  
Cun stgellas, bransinas, talacs e zampugns:  
Il Segner ei buns!
6. Pren mir' enamiez quella pumpa scaffida  
Il Segner per retg ha tschenta il carstgaun,  
Surdond agli grazias e duns cun cuida,  
Ils aunghels el vulan purtar sinta maun:  
Il Segner ei buns!
7. Carstgaun, o carstgaun, tia sort ei beada,  
Dil Bab si en tschiel ti eis propi affon!  
Emblida mai mai, ch' igl ei tia clamada  
Ded annunziar dapertut anavon:  
Il Segner ei buns!

Sur Cahannes †